



REPUBLIKA E KOSOVËS-REPUBLIKA KOSOVA-REPUBLIC OF KOSOVO  
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBEKOSOVA  
INDEPENDENT OVERSIGHT BOARD CIVIL SERVICE OF KOSOVO

Pranuar / Doretuar Primijsen/Prodato Received/Delivery	02-03	2022	2	viti god year
Organ /Njesia Organ./Jedinica Org./Unit	Nr Prot Br Prot Prot No	Shtojca Prilog Appendix	Sasia Kolicina Quantity	
SKINSHCK	1126/2022		115	



Republika e Kosovës  
Republika Kosova – Republic of Kosovo  
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBEKOSOVA  
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.63/2022

Këshilli i Pavarur Mbikëqyrës për Shërbimin Civil të Kosovës-Kolegji për shqyrtimin dhe vendosjen e ankesave i përbërë nga: Arben Mehmeti-kryetar, Ardita Haxhnikaj-Demi dhe Arben Mehmeti-anëtarë, me Avdyll Bekteshi-Zyrtar i Lartë për Bashkëpunim Profesional në cilësinë e procesmbajtësit, kanë shqyrtuar ankesën me numër A.nr.63/2022 të datës 26.01.2022 të parashtruar nga ankuesi

kundër Vendimit me Nr.KDM029 të datës 20.01.2022 të Komisionit Disiplinor të Shërbimit Korrektues të Kosovës, në çështjen juridike "masë disiplinore", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.6 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim me datë 02.03.2022 mori këtë:

V E N D I M

- I. **Shfuqizohet** Vendimi me Nr.KDM 029 i datës 20.01.2022 i Komisionit Disiplinor të Shërbimit Korrektues të Kosovës dhe **lënda kthehet në rishqyrtim dhe rivendosje** te organi i njëjtë i cili e ka nxjerr aktin administrativ.
- II. **Detyrohet** Komisioni Disiplinor në Shërbimin Korrektues të Kosovës, që brenda afatit prej pesëmbëdhjetë (15) ditësh nga dita e pranimit të këtij vendimi, të ndërmarra të gjitha veprimet ligjore për zbatimin e këtij vendimit ashtu siç është përcaktuar në pikën I të dispozitivit.
- III. Këshilli i Pavarur Mbikëqyrës për Shërbimin Civil të Kosovës, duhet të njoftohet me shkrim lidhur me veprimet e ndërmarra për zbatimin e këtij vendimi.

A r s y e t i m

Zëvendësuesi i Drejtorit të Përgjithshëm i Shërbimit Korrektues të Kosovës, më datë 0.09.2021 ka nxjerr endim me Nr.01058 për formimin e Komisionit Hetimorë për hetim të brendshëm

administrativ lidhur me dyshimet e ngjarjes në Qendrën Korrektues për të Mitur në Lipjan për një ngacmim nga ana e një arsimtari të ndodhur më datës 17.06.2021. Komisioni Hetimor më datë 02.11.2021 ka nxjerr Raport Përfundimtar të Hetimeve ku pas deklaratave të personave ka gjetur shkelje gjatë këtij procesi dhe ka rekomanduar Komisionin Disiplinor të ndërmarr masat disiplinore në pajtim me ligjet në fuqi.

Komisioni Disiplinor i Shërbimit Korrektues të Kosovës më datë 20.01.2022 ka nxjerr Vendim me Nr. KDM029 me të cilin ankuesit i ka shqiptuar masën disiplinore "ndalim 20% e pagës për periudhën dy muaj dhe duke rekomanduar që ankuesi të largohet nga Koordinatori për arsim, kulturë dhe sport".

Ankuesi, kundër Vendimit me Nr.KDM029 të datës 20.01.2022 të Komisionit Disiplinor të Shërbimit Korrektues të Kosovës, fizikisht më datë 26.01.2022 ka parashtruar ankesë me Nr. Prot:351/2022 në Këshillin e Pavarur Mbikëqyrës për Shërbimin Civil.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullores Nr. Nr.02/2018 për Procedurën e Shqyrtimit dhe Vendosjes së Ankesave, me datë 28.01.2022 ankesën e ankuesit e ka proceduar për përgjigje në ankesë në Shërbimin Korrektues të Kosovës. Këshilli, me datë 18.02.2022 ka pranuar përgjigjen në ankesë se bashku me shkresat e bashkëngjitura të lëndës.

**Kolegji për shqyrtimin dhe vendosjen e ankesave, me qëllim të vendosjes meritorë ka administruar këto prova:** Ankesën e ankuesit të datës 26.01.2022 me Nr. Prot:351/2022 të parashtruar në Këshillin e Pavarur Mbikëqyrës për Shërbimin Civil të Kosovës; Vendimin me Nr.KDM029 të datës 20.01.2022 të Komisionit Disiplinor të Shërbimit Korrektues të Kosovës; Njoftimin e datës 08.09.2021 nga Drejtori i QKF-Lipjan për Drejtorin e DTBM-së; Emailin e datës 08.09.2021 nga [ ] Emailin e datës 08.09.2021 nga [ ] për [ ] dhe Emailin e datës 24.09.2021 nga [ ] për [ ] Shkresë për hetimin me rastin e datës 17.06.2021 ku e mitura me masë edukative korrektues lajmëron zyrtaren sociale dhe udhëheqëse për ngacmim nga profesori i shkollës në QKML; Kërkesën për përgjigje në ankesë e datës 28.01.2022; Përgjigjen në ankesë e datës 18.02.2022; Kontrate pune për kohë të pacaktuar e datës 01.07.2018; Formularin për vlerësimin e rezultateve në punë për ankuesin për vitin 2021 dhe 2020; Raportin Përfundimtar i Hetimeve i datës 02.11.2021; Vendimin e datës 20.09.2021 për formimin e Komisionit Hetimor; Njoftimin e datës 16.10.2021 nga ankuesin për [ ] dhe [ ] Njoftimin e datës 12.10.2021 nga [ ] për ankuesin; Shënim Zyrtar i datës 18.06.2021; Deklaratë nga e mitura [ ] Deklaratë e datës 18.06.2021 nga [ ] Deklaratë e datës 18.06.2021 nga [ ] Raporti javor i punës prej datës 11.06.2021 deri 17.06.2021; Raporti javor i punës i SHKK prej datës 11.06.2021 deri 18.06.2021; Formulari i regjistrimit të lëvizjeve të burgosurve për SHKK datë 18.06.2021; Shkresë me mbishkrimin gjendja numerike javore e të burgosurve e datës 18.06.2021; Raportin e punës i Drejtorëve të Burgjeve; Emailin e datës 17.06.2021 nga ankuesi për [ ] Emailin e datës 12.10.2021 nga ankuesi për [ ] Emailin e datës 12.10.2021 nga [ ] për ankuesin; Dëftesë Nr.203318/314; Shkresë për personin e intervistuar [ ] e datës 23.09.2021; Shkresë për personin e intervistuar [ ] e datës 22.09.2021; Shkresë për personin e intervistuar [ ] e datës 22.09.2021;

Shkresë për personin e intervistuar [redacted] e datës 22.09.2021; Shkresë për personin e intervistuar [redacted] e datës 23.09.2021; Shkresë për personin e intervistuar [redacted] e datës 22.09.2021; Shkresë për personin e intervistuar [redacted] e datës 22.09.2021; Emailin e datës 19.10.2021, 04.10.2021 nga [redacted] për [redacted] Emailin e datës 05.10.2021 nga [redacted] për [redacted] Forma për pushim e datës 18.06.2021; Fotografi.

Kolegji për shqyrtimin dhe vendosjen e ankesave, pas shqyrtimit të shkresave të lëndës të parashtruara nga palët, konstatoi se janë përmbushur kushtet ligjore që lënda të kthehet në rishqyrtim dhe rivendosje të organi i njëjtë, *sepse*:

Bazuar në shkresat e lëndës, gjegjësisht Kontratës së Punës për kohë të Pacaktuar të datës 01.07.2018, ankuesi mbanë pozitën Zyrtar Korrektues në Qendrën Korrektuese në Lipjan, mirëpo i njëjti mban edhe pozitën Koordinator për Arsim, Sport dhe Kulturë në Qendrën Korrektuese për të Mitur në Lipjan, mirëpo sipas deklaramit përmes emailit zyrtar të datës 24.02.2021 të Menaxherit të Burimeve Njerëzore të Shërbimit Korrektues të Kosovës këtë pozitë e mban vetëm verbalisht nga drejtori i institucionit është caktuar ti kryej ato detyra.

Ankuesi, në ankesën e parashtruar në Këshillin e Pavarur Mbikëqyrës për Shërbimin Civil të Kosovës, kundër Vendimit me Nr.KDM029 të datës 20.01.2022 të Komisionit Disiplinor të Shërbimit Korrektues të Kosovës, pretendon që provat që janë administruar nga ky komision nuk ofrojnë ndonjë dëshmi që unë të jem fajtor dhe të kem përgjegjësi për raportim sepse mbikëqyrësi im ka qenë i njoftuar nga Drejtori i Qendrës Korrektuese për Femra në Lipjan dhe pastaj unë kam qenë i njoftuar nga mbikëqyrësi im dhe po ashtu nga drejtori i qendrës është vendosur që ky rast të mos hapet; ndërsa unë kam marr veprimet e nevojshme për ti njoftuar drejtorët e shkollave amë; ndërsa sipas dispozitave të Udhëzimit Administrativ MASHT Nr. 15/2017 nuk kam asnjë përgjegjësi të bëjë raportim.

Bazuar në komunikimet zyrtare që janë pjesë e provave të lëndës, Zëvendësuesi i Drejtorit të Përgjithshëm të Shërbimit Korrektues përmes emailit të datës 08.09.2021 ka kërkuar dokumentacion lidhur me lidhur me këtë çështje, atëherë sipas emailit zyrtar të datës 08.09.2021 të dërguar nga Drejtori i Qendrës Korrektues për të Mitur, konstatohet se ka pasur komunikim mes ankuesit përmes telefoni me drejtorët e shkollave [redacted] dhe [redacted]

duke theksuar që nuk ka pasur shkëmbim të letrave por janë mbajture vetëm takim të drejtpërdrejta me ta duke theksuar që ankuesi më datë 21.06.2021 është takuar me Drejtorin e Shkollës [redacted] Po ashtu pohon se e kemi rekomanduar DKA në Lipjan dhe Drejtorin e SHFMU [redacted] që mësimdhënësin të mos e dërgojnë në QKML por mundësisht atë t'a zëvendësojnë me ndonjë mësimdhënë tjetër, mirëpo nuk është dëshmuar që ky komunikim ka ekzistuar me shkrim.

Komisioni Disiplinor i Shërbimit Korrektues të Kosovës me rastin e nxjerrjes së Vendimit me Nr.KDM029 të datës 20.01.2022, për shqiptimin e masës disiplinore ndaj ankuesit "*ndalim 20% e pagës për periudhën dy muaj dhe duke rekomanduar që ankuesi të largohet nga Koordinatori për arsim, kulturë dhe sport*", ka theksuar që ankuesit nuk ka bërë raportim zyrtar duke e shkelur dispozitat e nenit 5 paragrafi 4 dhe 5 të Udhëzimit Administrativ (MASHT) Nr. 15/2017

Planifikimi dhe Organizimi i Procesit Arsimor në Arsimin Parauniversitar për Personat e Provuar nga Liria në Institucionet Korrektuese.

Dispozitat e nenit 5 paragrafi 4 dhe 5 të Udhëzimit Administrativ (MASHT) Nr. 15/2017 Planifikimi dhe Organizimi i Procesit Arsimor në Arsimin Parauniversitar për Personat e Provuar nga Liria në Institucionet Korrektuese, përcaktojnë që: *“4. Zyrtari përgjegjës i institucionit korrektues siguron dokumentacionin paraprak shkollor si dhe të dhëna të tjera të nevojshme për personat e privuar nga liria edhe të njëjtat ia ofron koordinatorit dhe drejtorit të shkollës amë. 5. Zyrtari përgjegjës i institucionit korrektues për çdo ndryshim që bëhet rreth lëvizjeve të nxënësve, kandidatëve të privuar nga liria (vajtje-ardhje) e njofton koordinatorin dhe drejtorin e shkollës amë”*.

Ndërsa neni 6 paragrafi 4 nën paragrafi 4.1 dhe 4.2 të Udhëzimit Administrativ (MASHT) Nr. 15/2017 Planifikimi dhe Organizimi i Procesit Arsimor në Arsimin Parauniversitar për Personat e Provuar nga Liria në Institucionet Korrektuese i cili përcakton përgjegjësit e koordinatorit si: *“Përgjegjësit e koordinatorit: 4.1. Të hartoj planet për zhvillimin e arsimit, të evidentoj personat e privuar nga liria, të bashkëpunoj me personelin e shkollës, të mbikëqyrë pjesëmarrjen dhe progresin e arritur. 4.2. Të raportojë për mbarëvajtjen e procesit arsimor te drejtorët e shkollave amë”*, bazuar në këtë Kolegji për shqyrtimin dhe vendosjen e ankesave, vlerëson se Komisioni Disiplinor i Shërbimit Korrektues të Kosovës, me rastin e nxjerrje së Vendimit me Nr.KDM029 të datës 20.01.2022, nuk ka arritur në mënyrë të saktë të konstatoj së cilët veprime nuk ka ndërmarr ankuesit lidhur me rastin konkret dhe cilat dispozita të Udhëzimit Administrativ (MASHT) Nr. 15/2017 Planifikimi dhe Organizimi i Procesit Arsimor në Arsimin Parauniversitar për Personat e Provuar nga Liria në Institucionet Korrektuese ka shkelur, por ka potencuar që mungon raporti zyrtar nga ana e Ud Koordinator për Arsim, Sport dhe Kulturë, pa specifikuar qartë këtë raportim, pra Vendimi me Nr.KDM029 të datës 20.01.2022 i Komisionit Disiplinor i Shërbimit Korrektues të Kosovës, nuk përmban shpjegimin e situatës faktike mbi të cilën është marrë vendimi dhe faktet vendimtare të cilat kanë ndikuar në marrjen e vendimit.

Kështu që të metat e tilla të aktit administrativ e bëjnë të paligjshëm Vendimin me me Nr.KDM029 të datës 20.01.2022 të Komisionit Disiplinor i Shërbimit Korrektues të Kosovës, në kuptim të nenit 52 paragrafi 1 nën paragrafi 1.3 dhe 1.5 të Ligjit Nr.05/L-031 për Procedurën e Përgjithshme Administrative, dhe si rezultat i kësaj nuk është i mundur trajtimi i ligjshmërisë se pretendimeve ankimore dhe vendosjes në mënyrë meritore lidhur me ankesën, andaj duke u bazuar në neni 18 paragrafi 1 nën paragrafi 1.6 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, Kolegji vendosi që lënda të kthehet në rivendosje të organi i njëjtë, gjegjësisht tek Komisioni Disiplinor i Shërbimit Korrektues të Kosovës dhe i njëjti në procedurë të rivendosjes, duhet t'i marr parasysh pikëpamjet juridike të këtij vendimi dhe t'i eliminoj të metat e konstatuara të aktit administrativ dhe të nxjerr vendim në pajtim me dispozitat ligjore në fuqi, si dhe masën të shqiptoj në raport të drejt me shkeljen e kryer dhe të bazohet në *Shkaqet, rrethanat e kryerjes së shkeljes, rëndësinë dhe pasojat e saj; Shkallën e fajësisë; Ekzistencën e masave të tjera disiplinore të mëparshme të pashlyera, sipas nenit 47 të Ligjit; Përprjekjet e mëparshme të nëpunësit për shmangien apo kufizimin e dëmit*, siç parashihet me nenin 50 paragrafi

1 nën paragrafët 1.1, 1.2, 1.3 dhe 1.4 të Ligjit Nr. 06/L-114 për Zyrtarët Publikë dhe nenin 13 paragrafi 4 të Rregullores (QRK) Nr.11/2020 për Disiplinën dhe Ankesat e Zyrtarëve Publik.

Me dispozitat e nenit 21 paragrafit 1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, është përcaktuar se: *"Vendimi i Këshillit është vendim administrativ i formës së prerë dhe zbatohet nga zyrtari i nivelit të lartë drejtues ose personi përgjegjës i institucionit që e ka marrë vendimin e parë ndaj palës"*, ndërsa me dispozitat e nenit 24 paragrafit 1 të këtij ligji është përcaktuar se: *"Në rast të moszbatimit të vendimit të Këshillit sipas nenit 21 të këtij ligji, Kryetari i Këshillit nxjerr vendim për ndalimin e 50% të pagës mujore për personin përgjegjës, deri në zbatimin e vendimit të Këshillit"*.

Andaj, pas analizimit dhe vlerësimit të të gjitha shkresave të lëndës si dhe duke u bazuar nenin 6 paragrafi 1 nën paragrafi 1.1 dhe nenin 18 paragrafi 1 nën paragrafi 1.6 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Kolegji për shqyrtimin dhe vendosjen e ankesave, vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetari i Kolegjit

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**  
Lënda, A.nr.63/2022, datë 02.03.2022

**Avdyll BEKTESHI**

Zyrtarë i Lartë për Bashkëpunim Profesional

**Arben MEHMETI**

Kryetar i Kolegjit

**Vendimi i dorëzohet:**

- ❖ Ankuesit
- ❖ Drejtorit të Përgjithshëm të Shërbimit Korrektues të Kosovës;
- ❖ Komisionit Disiplinor të Shërbimit Korrektues të Kosovës;
- ❖ Udhëheqësit të Njesisë së Personelit në Shërbimin Korrektues të Kosovës;
- ❖ Arkivit të KPMSHCK- së.